



ALBUM KENANGAN ... Ahli MPP bergambar kenangan bersama penceramah, Wawa Idris (tengah).
NST 12.4.2013 11

UMS transformasikan penampilan dan etiket profesional MPP

KOTAK INABALU: Elemen yang amat perlu dalam pembentukan seorang insan yang berkualiti ialah ketrampilan diri seseorang.

Seorang pemimpin harus memiliki gaya penampilan diri yang mantap juga berkesan seiring dengan pakaian yang bersesuaian serta mengetahui cara penampilan yang khusus kepada kesesuaian susuk tubuh dan personaliti individu.

Justeru baru-baru ini, Universiti Malaysia Sabah (UMS) melalui Jabatan Hal Ehwal Pelajar dan Alumni telah mengadakan Kursus Penampilan Diri, Gaya Pemimpin Unggul kepada Majlis Perwakilan Pelajar (MPP) sesi 2012/2013. Kursus itu telah diadakan selama dua hari bertempat di Hotel Courtyard, 1Borneo Kota Kinabalu.

Menurut Penyelaras kur-

sus, Norhana Nordin, pengajuran itu adalah sebagai satu usaha Jabatan HEP yang berada dibawah naungan Timbalan Naib Canselornya Prof. Madya Datuk Dr. Mohd. Kasim Hj. Md. Mansur untuk mentransformasi penampilan dan etiket profesional para MPP agar lebih berketrampilan dan berkeyakinan dalam memikul tanggungjawab dan amanah selaku pemimpin siswa-siswi di UMS.

"Ketrampilan perlu ditamatkan bagi membina daya menarik sebagai seorang pemimpin. Bila kita sudah memiliki kemahiran komunikasi, imej dan solekan, beberapa perkara juga penting bagi membina daya menarik kepada pelajar-pelajar yang lain. Ini penting, supaya insan-insan sekeliling kita akan menyenangi sekaligus akan memberikan kerjasama

sepenuhnya kepada kita," tambah Norhana ketika ditemui pemberita Seksyen Penerangan dan Media, Bahagian Perhubungan Korporat.

Dalam pada itu beliau turut berterima kasih kepada Timbalan Pendaftar Kanan Jabatan HEP, Mohd Raffie Janau serta pegawai Bahagian Pembangunan Pelajar yang banyak membantu melancarkan program tersebut. Katanya, ikatan kerjasama yang ditunjukkan amat bertepatan sebagai teladan kepada ahli-ahli MPP agar sentiasa bersatu padu dalam memikul tanggungjawab sebagai penaja kepimpinan pelajar di universiti itu.

Program yang turut diisi dengan tatacara pemakaian dan teknik solekan ketika menghadiri pelbagai majlis rasmi universiti itu telah dikendalikan oleh penceramah bertauliah, Wawa Idris.